



**Timersortartut nuna sinnerlugu unammisartut sungiusaqatigiittarnissaminnut periarfissagissaarnerulernissaat misissoqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut. Misissuineri annermik angallannermut akit qaffaseqisut unamminarsinnaaneri immikkut isiginiqquneqarput. Naalakkersuisut Timersoqatigiit Kattuffiannut, specialforbundinut kiisalu allanut soqtigisaqaqatigiinnut susassaqtunut attaveqaaqquneqarput siunertaralugu misissuineri UPA2020-mit Inatsisartunut agguanneqartussamut, peqataatitsinissaq. (Inatsisartunut ilaasortaq Nivi Olsen, Demokraatit)
(Siullermeerneqarnera)**

Timersorneq timigissarnerlu tamatsinnut iluaqutaasarpoq. Inuuneq nuannernerulersarpoq, peqateqarnerit pinngoraput aamma nappaatinut pinaveersaarutaavoq. Taamaattumik nuannaarutigaa Inatsisartunut ilaasortap Nivi Olsenip tamanna piffissami sivisuumi sammisimammagu. Qularnanngilaq tamanna pissutaalluni timersorneq timigissarnerlu eqqumaffigineqarnerusimapput tamannalu pillugu Nivi Olsen qutsavigerusuppara.

Nunatsinni timersortartut pikkorinnerit aporfisarpaat imminnut ungasillutik najugaqarnertik aamma angallannikkut akit qaffasippallaarnerat pissutigalugu katersuussinnaaneq ajorput kimilimmik pitsaasumillu sungiusarnissaminnut. Tamanna pissutaalluni nunatsinni timersortartut pikkorinnerit ineriartornerat pitsaanagerusinnaaneranut takutitsivoq. Tamanna aqqittariaqarparput.

Oqartoqakkajuttarpoq amerlasuut pikkorissortaqalersartut aamma pikkorissut amerlasuunut kajumissuseqalersitsisartut. Imatut paasillugu pikkorissortaqassagutta amerlasuut timersornermik sammisaqartariaqarput, tamatumap kingunerilluarsinnaammagu pikkorissut amerliartornissaat, amerlasuut akornanni qinigassaqaraanni. Paarlattuanik aamma qularutigineqassanngilaq, meeqqat inuusuttullu nuannaartorinnillutik timersuummik aalajangersimasumik aallartitsinnaasarmata, pikkorissortatta ilaat timersuummik aalajangersimasumik aallutalik issuarlugu.

Ukiopassuunngitsut matuma siorna uanga meeraarnerma nalaani timersortartut nunarsuarmi pitnaanerpaat isiginiarnerusarpagut. Ukiunili makkunani meerartagut kalaaleqatimnnik timersornikkut pikkorissunik maligassiorneqartorujussuannornikuupput. Tamanna takussutissaavoq timersornerup suli annerungaartumik tapersersornissaanut pissutissaqarluartugut. Meerartatsinnut inuusuttuarartatsinnullu taamaallaat sunniuteqaannarani kalaallit nunaanni innuttaasugut ataatsimuussuseqarnitsinnik misigiffigisarpagut. Illersuineq, tapersersuineq, tulluusimaanerlu annertoq tassani misigisarparput.

Tamanna tunngavigalugu pingaartutut isigaara timersortartuni pikkorissortatta pitsaanerpaamik sungiusarnissaminnut periarfissaqarnissaat, sinerissami meeqqat inuusuttullu timersortalernissaannut



maligassiuisinnaaqullugit. Aamma taamaattumik manna misissuisoqarnissaanut siunnersuut pingaaruteqarluinnarpoq.

Maluginiarpara Naalakkersuisut isumaqartut, suliniutinik aallartitsisoqareernikummat siunnersuutip matuma itigartinneqarnissaa inassutigisariaqartoq. Taamatut pingaarnersiunermit isumaqataangilanga. Siunnersuummimi siunertarineqarpoq illuatungeriit tamarmik akuutinneqarnissaat taamaasilluta aaqqiissutissanik pitsaanerpaamik nassaarsinnaaqulluta sinerissami timersortartut pikkorinnerasa iluaqtissarsivigisassaannik. Eqqaamasiuk pikkorinnerit nuannaartorineqarlutik amerlasuunik kalitaqartarmata. Taamaattumik aamma siunnersuut pissutaalluni piffissami qaninnerusumi innnuttaasut peqqinnerusut, inuulluataarnerup nassataanik nappaalanngitsut pilersinneqartussaapput.

Taamatut oqaaseqarluta Demokraatini inassutigaarput siunnersuut akuerineqassasoq ingerlateqqinneqassasorlu Kulturimut, Ilinniartitaanermit, Ilisimatusarnermit Ilageeqarnermullu Ataatsimiititaliamut.